

Ordinaziun per realisar l'artitgel 28b dal cudesch civil svizzer ¹⁾

sa basond sin l'art. 52 al. 2 dal titel final tar il cudesch civil svizzer ²⁾

relaschada da la regenza ils 19 da zercladur 2007

Art. 1

¹⁾ L'autorità giudiziala en il senn da l'artitgel 28b CCS ³⁾ è la dretgira di- Cumpetenzas
strictuala.

²⁾ Per l'expulsiun immediata tenor l'artitgel 28b alinea 4 CCS è cumpetenta
la polizia chantunala.

³⁾ L'uffizi per l'execuziun giudiziala maina in post da cussegliaziun per per-
sonas violentas.

Art. 2

¹⁾ La procedura davant la dretgira districtuala sa drizza tenor las disposi- Procedura
ziuns da la procedura civila ⁴⁾ davart la procedura accelerada. Sentenzias
materialas èn suttamessas a l'appellaziun tar la dretgira chantunala.

²⁾ La procedura da l'expulsiun immediata sa drizza tenor las disposiziuns
da la lescha da polizia ⁵⁾ davart l'intervenziun tar violenza a chasa.

Art. 3

La polizia chantunala infurmescha:

Obligaziuns
d'infurmaziun

- a) la victima davart eventuels ulteriurs pass da la procedura;
- b) la victima e la persuna violenta davart purschidas da cussegliaziun.

Art. 4

L'ordinaziun da polizia dals 21 da zercladur 2005 ⁶⁾ vegn midada sco Midada dal dretg
suonda: vertent

¹⁾ approvada dal DFGP ils 28 da zercladur 2007

²⁾ CS 210

³⁾ CS 210

⁴⁾ DG 320.000

⁵⁾ DG 613.000

⁶⁾ DG 613.100

Art. 33 lit. c

- c) intervenziun tar violenza a chasa tenor l'artitgel 16 da la lescha da polizia e tenor l'artitgel 28b alinea 4 dal cudesch civil svizzer;

Art. 5

Entrada en vigur Questa ordinaziun entra en vigur il 1. da fanadur 2007.